

楚

寶

楚寶序

楚幅幘視十二省最賒名

勝最多古今人物最盛庚

辰子來視學徵十五郡二

州志及總志楚紀諸書閱

之可架可倉可旁綜流略

可備輶軒采擇然殊汗漫

參差恨不能撮三楚之勝

就數卷之書展寢食之翫
間愛野乘多引人勝地然
如蒼壁小璣不足語玄圃
之流光也周子伯孔有葺

錄四十五卷人物十九名

勝十一古文十九今文十

一間附也意評臨名曰楚

寶其書摘志之精補志之

缺亦史亦子亦集亦林埤
益菁秀發人心目而長人
意智其功良多昔劉思貞
有云爲之者勞觀之者逸

三歎斯語可似斯編然余

更謂爲之者工勞而筆逸

手勞而致逸心勞而解逸

夫以周子垂翅未舉擁書

居業摻雞次鐸氏之遺考
百家七庫之略力云殫矣
乃博洽之患連類難區衆
義易眩自非腕具神工曷

裁累牘勒茲快書是爲筆
逸鈔錄數十萬言自題門
目無假陶甌之投棄手之
撮殆所云饑以作飽飽以

作枕然不爲劉知幾之據
撫得失不爲東廣微之銓
證荒詭義取嘉言懿行可
以淑人奇文藻篇可以審

娛而已是爲致逸觀書當

得大意悞書思之更是一

適摘鉗次與之餘卽復橫

卧方牀覃求論世而參伍

既熟古人如見品題所屬
如八面更敵沛然應之是
謂解逸以此三逸善運其
勞故著作有樂事有成績

名爲楚寶實周子之家珍

矣乎主孫圉有曰楚之所

寶者觀射父能作訓詞左

史倚相能道訓典此善言

寶者也而孟氏以土地人
民政事爲諸侯之寶其說
尤備斯編刻人物而政事
該誌名勝而土地該予以

爲實兼王孫孟氏之義此
固作志之要領也具體乎
志而不必以志名則周子
之善於用長也夫

楚學使梁谿高世泰題

楚寶董工序

周伯孔湘潭奇士談古今事
如列眉如以鏡取形百不失
一初年慷慨以天下為已志
後稍不得意遂憤然擊斲古

劍以身許諸古人為賈集世
間書恐或後時而失之天不
喜為閑居咄上放意山水間
別具眼孔胸臆興盡而歸便
復與藏書為讐故伯孔書中

蠹魚性上無所遁其獨至者
多不以示人稍傳其一二者
皆為其平日歡好者持去輒
付之木伯孔已而悔而傳者
日遠又不能知其素心但謂

邇來著書滿閣都是名士習
氣故稱伯孔者究竟埋沒伯
孔本色夫世間有真名士先
要不好名若認定幾片災梨
為百年以內生活計此何異

老和尚以袈裟蒲團為真衣
鉢乎伯孔唯無意好名故能
成其名凡卷四十有五若使
生于姑蘇白門一葉出即為
好事者登場舞袖其書久在

四方紙客簞籠中無一分生
氣矣幸其書成之不蚤而刻
之又遲天所以愛伯孔而居
之湘潭又愛伯孔而使之貧
薄無梓人資乃使其書終不

可泯滅也書載楚地楚人楚
事皆有所論斷不苟與昔人
同又不肯為昔人作注腳

高督學以楚寶額之數月而
刻不成夫此書係之楚則宜

楚人重之何令伯孔費十年
心血今尚對刀王噴上款其
直不售也若一境之內賢人
君子曾不能相謀此事者是
失伯孔也是不識其書也不

然。是。忌。其。名。之。成。也。天。下。好。
名。者。既。以。浮。淺。不。終。朝。而。敗。
不。好。名。者。又。以。寂。歷。待。知。己。
之。助。而。不。勉。之。而。歸。於。無。成。
然。則。如。何。而。可。也。余。俸。薄。且。

受事之日淺無以伸其志萬
一此等事為俗吏占盡諸君
子又將戟手詈之矣

辛巳十月風雨夜湘中吏隱

晉江蔡道憲書

門人周雲虬

拜手錄榘

楚寶總論

明 洲潭後學周聖楷伯孔著

定區域以尊王

尊王之大者莫先於一統二統之大者莫先於括地
楚幅員當春秋戰國時兼有陳徐吳越之地延袤六
千餘里蓋舉今之大江南北以暨淮海盡入版圖故
蘇秦說楚威王曰楚地西有黔中巫郡東有夏州海
陽南有洞庭蒼梧北有陜塞郢陽此亦揔其大勢而
言矣秦始皇兼并分天下爲三十六郡楚始裂而爲

三司馬遷以淮北沛陳汝南南碭爲西楚彭城以東
東海吳廣陵爲東楚衡山九江江南豫章長沙爲南
楚是也三楚之後東紫西帶星離豆剖未可爲據惟
我明興指臂萬國平定江漢繼而龍飛郊郢翼
軫麗天青陽白水之墟一大開闢而楚復褻然甲于
海內雖其地不當戰國之遺而山川靈氣所匯偉人
傑士接踵而生蓋若天所授焉子故斷自秦漢以上
無碭邑沿革者但稱楚人皆係之楚漢魏以後有碭
邑沿革者則一以我明所定碭邑係之如今之棗

陽卽漢蔡陽今之澧州卽晉南平是也若夫宦遊而復歸本土如二程子之生于黃陂大小宋之產于安陸客寓而未經著籍如諸葛亮之隆中草廬段柯古之木香村舍文若他國而終于楚甸如趙壹卿自爲壽藏于荊州胡安國父子家南嶽山下此則採風之餘烈昔人之佳話楚豈惜重哉

別人物以徵傳

左丘明作春秋內外傳而列國卿佐有一才一能之表著皆令不朽于後世司馬遷作七十列傳而異代

英傑有難明難豁之心事皆若自寫其生平雖云戶
牖獨開、牋毫豔溢、抑其時實多奇人奇事、筆不勝書
畧一點、撮便堪傳世、西京以後、操觚纂牒、非不代雄
故府、然而家乘之所載、半是官勳實錄之所編、率多
忌諱、寒暑異筆、刑禍交胸、媲美二氏、其可得乎、故夫
作史者、如頰上三毛、戲墨成蠅、祇能描畫其所本有
不能增益其所本無、讀史者、如張僧繇之畫龍破壁
顧虎頭之美女鬋心、可以精氣相感、不可以粉本相
貽、繇此而上觀千古、下觀百世、庶幾旦暮遇之、乃人

亦有言楚國多才自我曠覽抑何寥落豈異感升沉
人不能自見其長擇木騶栖國不能盡收其用歟是
則可歎也於是上搜舊聞傍撫遺逸銓敘審正彙別
門分求之左氏得十之五求之司馬氏得十之三求
之漢唐宋以下得十之五求之我明得十之一大
抵一人有一事之可傳傳其一事而其人亦可附見
也一事有一人之可傳傳其一人而其事亦可附見
也發潛德之幽光致高山之仰止所謂鳳皇芝草賢
愚皆以爲美瑞青天白日如黼亦知其清明豈斑金

陳米可得而瞋目乎增價

約論注以避雅

楚自赤帝和聲赫胥耀迹巖下鳥書山尖玉宇天下
文章亦云盛矣於是搏枕鷄次之典酉陽巫峽之藏
先賢耆舊之傳荊州湘中之記以至萬潭鉛鋸洛溪
白兆好奇者無不欲撈探淵索聞所未聞而世卒鮮
有全書恣其展握則後此著述又可知也少日商閱
先達楚紀楚史諸書恒不如人意後見華亭董公稱
天下耨粟可採者惟徐宗伯所修湖廣總志亟購得

殊復憤憤耳。因歎古今文人正患無才不患無書。窮
患不雅不患不博。以才轉書則可以導河源於腕底。
規建章於硯北。以雅資博則酌羣言而攻瑕。奏新準
至理而露文。抒性我思。古人實獲我心。豈擬拾其膏
馥。便得據虞白上座乎。昔王仲任著論衡。閉門潛思。
牆牖悉置刀筆。數十年方就。自謂人無一引。吾百篇
人無一字。吾萬言。而卒不免拙于用人。自守拘陋。劉
子玄歷鳳閣舍人。遷秘書監。著作固其官守。史通一
書又何其工于詞古拙于用已也。然此二書吾所祖

法非今人所及又若裴松之楊季漢之芳流劉季德
振江左之藻潤其書具在匪同湮滅望其涯者猶思
攬秀焉予是以褰裳而濡足不自知其濟勝之無具
矣

考遺勝以闕疑

昔者楚地南卷沅湘北繞潁泗西包巴蜀東褰鄧淮
潁汝以爲渚江漢以爲池垣之以鄧林繇之以方城
山高尋雲谿肆無景以故車轍馬跡之所經煙路留
其琬璫歌臺舞榭之所峙翠苔猶拾香鈿而沈碑斷

鼓字青石赤可畧得而言也若夫少昊沙墟丹陽兆
土腐鄉九井渚宮二南赤帝奏余州鳴鳥不但湘靈
怨瑟玄夷勒蝌蚪之文亦有寶露流壇璽積珠塵竹
黛浪傳虞陟晚分玉米芳畦猶重屈田冠蓋空城宋
玉有宅殯宮湘澨杜甫無墳凡此皆帝鄉之白非雲
騷客之碧不化黃衣紀載其能既乎又若花落故宮
月臨舊郢瓊弁玉纓之臣繡衣袿裳之女諸侯會章
華之臺樂乾谿而不返媚子田雲夢之澤望龜塞以
消魂無不寄慨興衰念歡疇昔以爲高蹠肆淫之一

快雄風暮雨之多端矣惟夫大別天塹中絡雄關洞
庭要害之區襄鄧攻守之地西塞斷而長江據險海
置濤而已蜀無虞然后擇朱絲繫蔡之帥修明二廣
六卒之法選棧車牝馬之相坐致六王三公之業績
典丘索以充清秘式金式玉以登猷替美人香草日
進于御陽阿採菱洋溢宮懸斯亦哲后之遺軌也哉
是用備攷勝蹟遺事附之論注之后庶幾曲終奏雅
也

楚寶總論終

楚寶總目

卷第一

大臣

卷第二

大臣

卷第三

大臣

卷第四

名臣

卷第五

名臣

卷第六

名臣

卷第七

大將

卷第八

大將

卷第九

卷第十

名將

名將

卷第十一

卷第十二

智謀

智謀

卷第十三

卷第十四

諫諍

諫諍

卷第十五

卷第十六

文苑

文苑

卷第十七

卷第十八

文苑

文苑

卷第十九

卷第二十

良史

命使

卷第二十一

卷第二十二

典故

典儒

卷第二十三

卷第二十四

諸子

孝友

卷第二十五

卷第二十六

忠義

忠義

卷第二十七

卷第二十八

獨行

真隱

卷第二十九

卷第三十

列女

方伎

卷第三十一

卷第三十二

異人

宦蹟

卷第三十三

卷第三十四

宦蹟

宦蹟

卷第三十五

卷第三十六

遷寓

遷寓

卷第三十七

卷第三十八

山水

山水

卷第三十九

卷第四十

山水

名祀

卷第四十一

卷第四十二

列仙

名釋

卷第四十三

卷第四十四

祖燈

祖燈

楚寶

八

卷第四十五

祖燈

楚寶總目終

楚寶大臣論次

楚之官制在春秋時爲近古者自令尹而下有左右尹有大司馬有左右司馬有司徒有司敗有太師有太宰有太子保傅有大夫有左右史其百執事亦有稱尹者然皆以其地或以其職單舉之如箴尹宮廐尹連尹是也亦以示隸於令尹也其受邑之大夫有稱公者專政於外入佐令尹皆彷彿三公六卿之遺意故君子謂楚能官人官人國之強也能官人則民無親心詩曰嗟我懷人寘彼周行能官人也王及公

侯伯子男甸采衛大夫各居其列所謂周行也嘗以
此意推之楚雖下國視融風后參職天子功烈偉矣
子文叔敖諸人或毀家以紓國難或薦賢而勸其君
皆有成績載在春秋豈非宰相之才以救時爲大以
用人爲亟哉無相才而居相位者楚之得臣嬰齊是
也楚令尹卽古所謂相也高無相之名秦始置丞相
漢因之又曰宰相其入相者或自掖卿或自布衣楚
則非大司馬不得爲令尹此合將相而一之爲法最
善凡大征伐大司馬將中軍左右司馬將左右軍令

尹惟雍容決勝而已邲之戰所以霸也若夫鄴陵之戰大司馬既將中軍矣嬰齊復以令尹將左右尹將右是時轅旆所指繇將乎繇相乎且夫古者宰相事無不統故不以一職名官非謂宰相而可以攝官承乏下同百職事者也唐宋以來此弊尤甚勳賢並建政事叅兼三台四輔如奕碁射覆是安得宰相才而用之哉作史者譜其門族表其年序以爲當時任用之專否政治之得失可得而見吾未之敢許也我朝初罷中書丞相設五府九卿分理庶務列聖相

承得人爲盛於是省府之名雖廢內閣之體益尊故
膺大拜者翰林孤卿尚矣其或擢自臺省至政或拔
之縣尹王僚靡不貴飾絲綸婉隆上古又如夏忠靖
掌國計四十餘年劉忠宣以本兵受知孝廟雖不
入內閣而休休綽綽之風自如嗚呼盛矣烏龍雲火
寧復有加焉者哉信乎任官惟賢蒞事惟能也述大
臣第一凡三卷

大臣一

祝融

風后

熊羆

仲山甫

關子文

虞丘子

孫叔敖

公子貞

蘧子馮

屈建

沈諸梁

大臣二

黃瓊

胡廣

蔣琬

費禕

張柬之

郝處俊

柳渾

馮京

趙方

大臣三

楊溥

夏原吉

李東陽

劉大夏

張居正

楚實大宦論次終

楚寶卷一

明

梁谿高世泰彙編父鑒定

湘潭後學周聖楷輯纂

男

雲蚪

較訂

雲豸

大臣

祝融

祝融者炎帝神農氏之後而帝衷之玄孫也神農生
臨魁臨魁生承承生明明生空空生來來生衷衷生

不莖節莖生克及戲克生榆周戲生罍生祝融戲
融明於火政榆周既立爲帝乃命爲火官至黃帝時
舉六相以祝融辨乎南方始爲司徒有土德之瑞及
帝嚳高辛氏復舉其後重黎爲火正命曰祝融以世
其官

管子五行曰黃帝得六相而天下治神明至蚩尤
明乎天道故使爲當時太常察乎地利故使爲廩
者齊龍辨乎東方故使爲士師祝融辨乎南方故
使爲司徒太封辨乎西方故使爲司馬后土辨乎

北方故使爲李

聖楷曰祝融相業僅見管子書中按史稱黃帝守柔順有坤厚載物之德又使祝融爲地官培植深矣○是以人倫攸叙君臣道合而黃龍土螭之瑞畢至也○其子術鬻生勾龍復爲顓頊后土以平九州教兆民後人祀之配于社帝嚳又舉其後黎回爲火正甚有功故鄭史伯曰楚重黎之後也重黎爲高辛氏火正以淳耀焯大天明地德光昭四海命之曰祝融其功大矣○繇此觀之祝融之名號係祖

德○以○立○稱○故○能○毋○養○中○聲○之○一○氣○薪○傳○無○盡○之○光○
明○生○柔○嘉○材○以○大○其○用○于○萬○世○豈○徒○禮○祀○名○山○北○
于○列○星○而○已○哉○予○是○以○定○其○發○祥○之○自○爲○稽○古○之○
相○隆○于○斯○也○抑○改○之○史○禪○通○紀○之○世○有○堊○衡○山○之○
祝○融○以○帝○名○女○媧○氏○之○時○有○滅○共○工○之○祝○融○以○官○
名○惟○此○祝○融○以○人○名○而○世○掌○其○職○故○其○後○亦○皆○以○
官○名○

炎帝神農氏考

按小司馬稱神農氏以火德王故曰炎帝始教民

耕故號神農氏初都陳後居曲阜立一百二十年
崩塋長沙神農本起烈山故左氏稱烈山氏亦曰
厲山氏荊州記曰厲山在隨州厲鄉有一穴是神
農所生地中有九井相傳神農旣育九井自穿汲
一井則宸井水動卽其地爲神農社年常祀之炎
帝陵在今衡州酃縣康樂鄉宋乾德中建廟以祀
融配享蓋守陵戶國朝洪武四年洪熙元年俱
遣官奠祀修陵又史多誤稱炎帝塋于茶鄉茶鄉
卽今茶陵州其地有雲陽山最爲秀傑遁甲記所

謂沙土之祇雲陽氏之墟也可以長往可以隱處
其上有少吳金天氏豢維泌路史云於雲陽得少
吳之榆是也少吳亦曰雲陽氏今謂少吳陵在曲
阜者亦非

古祝融氏

按六韜曰祝融氏古之主者也始作樂以諧神明
以和人聲路史曰祝誦氏一曰祝融是爲祝融氏
師於廣壽以毓其德聽弁州之鳴鳧以爲樂歌作
樂屬續以火施化號亦帝故後世火官因以爲名

都干會故鄭爲祝融之虛其治百年莖衡山之陽
是以謂祝融峯也。又按祝融氏之先有赫胥氏亦
莖衡之朝陽峯仙傳拾遺曰赫胥耀迹于潛山潛
山南嶽之副在潛山縣去衡甚遠。

重黎考

按左氏重是少昊之子黎乃顓頊之胤二氏二正
所出各別而史多合重黎而言者蓋以重黎氏世
序天地官有通職名因兼舉非定指當日之重與
黎也。張衡思玄賦云流日頽夫衡阿兮時有黎之

凡墳此則指火正黎司地故或葬于衡山而註引
盛弘之荊州記云衡山南有南正重黎墓楚靈王
時山崩毀其墳得營丘九頭圖焉夫以重黎合爲
一墓而又單舉南正其譌益甚小說家不讀史書
之過也

風后

風后伏羲氏之苗裔也。不能紀其世。黃帝披山通道。南至于江。登熊湘。夢大風。吹天下之塵垢。皆去。帝寢而歎曰。風爲號令執政者也。垢去土存。后也。天下豈有姓風名后者哉。求之。遂得風后于竟陵。以爲相。納三宮五音之機。受八門九江之要。

春秋內事曰。黃帝師於風后。風后善於伏羲之道。故推演陰陽之事。張衡客問曰。渾元初基。露軌未紀。吉凶分錯。人用臆朦。黃帝爲斯深憐。有風后

者是焉。亮之察三辰於上，跡禍福乎下，經緯歷數，然後天步有常，則風后之爲也。

獨孤及風后八陣圖記曰：物不終靜，必授之以動。常純坤用事，陰疑于陽，則飛龍戰，大機已散，聖盜並起，故戎馬生，乃有力吞八荒，爭截九有大者，天枉折，地維絕。小者作慝，廬山負阻，中冀上帝慝怒，下民是恤。乃睿武德黃帝受命之始，順殺氣以作兵法，文昌以命將。於是乎征不服，討不庭，其誰佐命？曰：元老風后。蓋戎行之不修，則師律用喪，陰謀

之不作則凶器何恃故天命聖者以廣戰術俾懸
衡于未然察變於倚數握機制勝作爲陣圖夫八
宮之位正則數不憊神不惑故八其陣所以定位
也○衡抗于外軸布于內風雲附其四維所以儲物
也○虎張翼以進蛇向敵而蟠飛龍翔鳥上下其勢
所以致用也○至若疑兵以固其餘地○游軍以按其
後○列門具將發然後合戰○弛張則二廣迭舉○倚角
則四奇皆出○必使陷堅陣拔深壘若星馳天旋雷
動○山破魏之鶴列○鄭之魚麗○周武之熊羆○毘陵之

虎豹出。匪以律。我異于是。旣而圖成。罽狁。帝用經
畧。北逐獯鬻。南平蚩尤。戡黎於阪泉。商方于空峒。
底定。舊國。旁羅七曜。鼎成。龍至。去而上。帝于是遣
風。冥冥時。亾而圖存焉。於戲。聖迹長往。神機未昧。
酌其流者。猶足以決勝。三軍禦侮。萬里故項。藉得
之以霸。西楚黥布得之。奄有九江。漢孝武得之。攘
匈奴。服甌越。東收獫狁。西拓大夏。然則聖圖幽贊。
未始有涯。天寶中。客有爲韜鈴者。得其遺制于黃
帝書之外篇。裂素而圖之。勝敗之朕在我。指掌天

地之心見于毫末議欲獻諸策府用廣武事會天
子以不戰爲師無爲爲寶則是圖也興于多難廢
于升平堙淪不書盛德其沒乃旌諸圖側以爲三
皇之故事六藝之餘伎云

高氏子畧曰風后握奇經三百八十四字其妙本
乎奇正相生變化不測蓋潛乎伏羲氏之畫所謂
天地風雲龍鳥蛇虎則其爲八卦之象明矣蓋注
奇讀如奇耦之奇則尤可與易準諸儒多稱諸葛
武侯八陣唐李衛公六花皆出乎此唐裴緒之論

楚賢

卷一

又○以○比○六○十○四○卦○之○變○其○出○也○無○窮○若○此○則○所○謂○
八○陣○者○八○卦○之○統○爾○焦○氏○易○學○卦○變○至○於○四○十○九○
十○有○六○奇○正○相○錯○變○化○無○窮○是○可○以○名○數○該○之○乎○
然○觀○太○公○武○韜○且○言○牧○野○之○師○有○天○陣○有○地○陣○此○
固○出○於○握○奇○而○又○有○入○陣○焉○此○又○出○於○天○地○之○外○
者○非○八○陣○六○花○所○能○盡○也○按○武○侯○八○陣○圖○本○於○
風○后○人○多○不○知○

伏犧氏考

按太吳帝庖犧氏風姓始養犧牲以充庖厨故曰

庖犧氏又結網罟以教佃漁故曰處義氏處古伏
字風俗通義云伏羲始別八卦以變化天下天下
法則咸伏貢獻故曰伏羲也習鑿齒論青楚人物
云伏羲塋于南郡今其地無所考惟古竟陵屬沔
陽州治元和志云州本古之風國其地五華山有
風城卽古風國之故城相傳伏羲後裔封此嗟乎
雲陽祝融宅兆朱陵炎帝少昊冢望軫野羣聖變
化之鄉因宣神胄之崛起矣

熊湘考

索史記註熊湘在長沙益縣歷改耒縣諸志無此
由武云以熊繹始封得名不知熊繹封於周成王
時何得黃帝時便稱之益縣即今益陽縣水經注
曰縣在益水之陽今無益水亦武資水之殊目也

益縣無義云益水出於人徒以變乎益水
益縣又益縣以益水而益縣曰益水益水古升

熊繹

熊繹者其先出自帝顓頊高陽氏凡歷三世至吳回始代重黎爲火正吳回生陸終陸終生子六人圻剖而產焉一曰昆吾二曰參胡三曰彭祖四曰會人五曰曹姓六曰季連季連生附沮附沮生穴熊其後中微或在中國或在蠻夷弗能紀其世周文王之時季連之苗裔曰鬻熊子事文王蚤卒其子曰熊麗熊麗生熊狂熊狂生熊繹僻在荆山葦露藍縷以處葦葦跋涉山林桃弧棘矢以共王事與魯公伯禽衛康叔

子。釐。齊。侯。燹。齊。太。子。呂。伋。俱。事。成。王。成。王。舉。文。武。勤。勞。之。後。裔。乃。封。繹。於。楚。蠻。錫。以。子。男。之。田。姓。釐。音氏國。號。曰。荆。居。丹。陽。

風俗通義曰楚之先出自帝顓頊其裔孫曰陸終娶於鬼方氏是謂女嬃蓋孕而三年不育啓其左脅三人出焉啓其右脅三人又出焉其六曰季連是爲芊其後有鬻熊子爲文王師成王舉文武勤勞而封熊繹于楚食子男之采其十世稱王至王負芻遂爲秦所滅百姓哀之爲之謠曰楚雖三戶

秦必楚

聖楷曰楚自熊繹而後熊渠熊通相繼僭稱王號
楚乃益大若莊若昭皆賢辟也子盪之不錄而錄
夫繹者所以尊王也所以重藩屏之臣也天下有
王則微盧彭濮足以興周天下無王則穀鄧庸麇
足以撓楚藩屏云乎哉故知封建之得失有未易
言者矣

丹陽考

丹陽在今歸州秭歸縣水經注曰秭歸縣北對丹

陽城城據山跨阜周八里二百八十步東北兩面
悉臨絕澗西帶亭下溪南枕大江嶮峭壁立信天
固也地里志以爲吳子之丹陽者非又按丹陽或
云在枝江縣亦非也蓋秦廢列國爲郡縣始取楚
丹陽地爲枝江縣不得卽指枝江爲丹陽也且其
地夷敞蜀江至此析爲諸洲縣治洲上故以枝江
爲稱古入建都形勢何取於此

仲山甫

仲山甫周宣王時賢臣也。謚穆仲。封于樊。初魯武公來朝。以其世子括及庶子戲。見王。王將立戲。仲山甫諫曰。不可立也。不順必犯。犯王命必誅。故出令。不可不順也。令之不行。政之不立。行而不順。民將棄上。夫下事上。少事長。所以爲順也。今天子立諸侯。而建其少。是教逆也。若釋從之。而諸侯效之。王命將有所壅。若不從而誅之。是自誅王命也。是事也。誅亦失。不誅亦失。天子其圖之。王卒立之。魯侯歸而卒。及魯人殺

懿公、威而、立伯御、括三十二年、宣王伐魯、立孝公、之、括、諸侯從是而不睦、三十九年、宣王既喪南國之師、乃料民于太原、仲山甫諫曰、民不可料也、夫古者不料民、而知其少多、司民協孤終、司商協名姓、司徒協旅、司寇協姦牧、協職、工協革、場協入、廩協出、是則少多、死生、出入、往來者、皆可知也、於是乎又審之以事、王治農于藉、蒐于農隙、耨穫亦于藉、獮于既烝、狩于畢時、是皆習民數者也、又何料焉、不謂其少而大料之、是示少而惡事也、臨政示少、諸侯避之、治民惡事、

無以賦令且無故而料民天之所惡也害於政而妨於後嗣王卒料之及幽王乃廢滅

非國語曰吾嘗言聖人之道不窮異以爲神不引天以爲高故孔子不語怪與神君子之諫其君也以道不以誣務明其君非務愚其君也誣以愚其君則不臣仲山氏果以職有所協不待料而具而料之者政之尤也姑云爾而已矣又何以示少惡事爲哉况爲大妄以諉乎後嗣惑于神怪愚誣之說而以徵幽之廢滅則是幽之悖亂不足以取滅

而料民以禍之也。仲山氏其至於是乎。蓋左氏之
嗜誣斯人也。已何取乎爾也。

聖○備○曰○周○宣○末○年○殺○杜○伯○拒○虢○父○信○譏○違○賢○大○業○
不○卒○至○於○敗○績○千○畝○料○民○太○原○人○情○洶○洶○汚○水○悲○
而○祈○父○作○白○駒○逝○而○黃○鳥○歌○老○臣○憂○國○如○仲○山○甫○
者○安○得○不○與○天○憫○人○而○慮○及○于○後○嗣○哉○柳○子○厚○乃○
以○惑○于○神○怪○非○之○是○必○如○王○安○石○天○變○不○足○懼○人○
言○不○足○恤○祖○宗○法○不○足○守○而○後○可○耶○強○辭○奪○理○天○
下○事○往○往○壞○于○此○輩○魯○江○端○禮○病○柳○子○厚○非○國○語○

而作非非國語東坡見之曰久欲爲此書不謂君
先之也又元虞槃亦作有非非國語情乎二書今
皆不傳

樊城考

按周宣王封仲山甫爲樊侯其地卽楚所滅之鄧
地也秦滅楚以其地屬南陽郡至漢始置襄陽
縣三國時改樊城縣樊城之名始此後漢樊宏傳
云其先仲山甫封于樊因而氏焉宏南陽湖陽人
卽今鄧州在樊城北九十里

關子文

關穀於菟字子文。關伯比之子也。初若敖娶於邵，生伯比。若敖卒，從甥畜于邵。淫於邵子之女，生子文。邵夫人使棄諸夢中，虎乳之。邵子聞見之，懼而歸。夫人以告，遂使收之。楚人謂乳穀謂虎於菟，故命曰關穀。於菟高，以其女妻伯比。楚成王八年，令尹子元見穀，使子文爲令尹。子文賢，以楚多故也，自毀其家以紓國難。十七年，子文帥師滅弦。時齊桓公霸，江黃道柘，方睦于齊，皆弦姻也。弦子恃之而不事楚，又不設備。

遂入三十二年隨以漢東諸侯叛楚子文帥師伐之
取成而還三十五年成得臣伐陳討其貳于寧也遂
取焦夷城頓而還以通也子文以為之功使為令尹叔
側楚大夫曰子若國何對曰吾以靖國也夫有大功
而無貴仕其人能靖者與有幾遂相之初子文為令
尹其族有干法者廷理拘之聞其令尹之族也遂釋
之子文讓之曰凡立廷理所以司法也故直士持法
柔而不撓剛而不折吾為令尹以率士民士民或怨
吾而不能免之於法吾族之犯法甚明而使廷理因

緣○吾○心○而○釋○之○是○吾○不○公○著○於○國○也○執○國○之○政○而○以○
私○聞○與○其○生○以○無○義○不○若○有○死○而○已○廷○理○懼○而○刑○之○
成○王○聞○之○不○及○履○而○至○子○文○之○室○曰○寡○人○幼○致○廷○理○
失○其○人○以○違○夫○子○之○意○乃○出○廷○理○國○人○歌○之○子○文○爲○
令○尹○四○十○年○緇○布○之○衣○以○朝○鹿○裘○以○處○家○無○一○日○之○
積○王○聞○之○於○是○每○朝○設○一○束○脯○一○筐○糲○以○益○子○文○之○
祿○子○文○逃○之○主○止○而○後○獲○或○謂○人○生○求○富○子○逃○之○何○
也○曰○夫○從○政○所○以○庇○民○也○民○常○貧○而○我○取○富○是○勤○民○
以○自○封○也○死○無○日○矣○我○逃○死○非○逃○富○也○

聖楷曰楚成王六年公子元歸自伐鄭而處王宮
鬬射師諫則執而梏之申公鬬班於是殺子元子
文爲令尹自毀其家以紓楚國之難故其爲令尹
八年而春秋始書楚鬬是而盟齊桓于邵陵執宋
公子廆上滅弦滅黃焚許男之輿櫬取陳之焦夷
納頓子于頓敗徐人于婁林朝諸侯長齊晉室莊
王而遂脩中原其大有功于楚國故尼父稱其爲
忠也若夫申廷理之法述朝設之祿喜怒不形物
我無間在當時齊魯諸名卿可一二見耳何能望

之後世之爲相者乎。晉稽康曰：三爲令尹，不壽，祈
下降身蒙恥，不以爵祿爲已。靜恭古惟二子，誠知
言哉。

邲子國考

河志謂邲在景陵。通考謂邲在江夏雲杜縣東南，
皆非也。按左傳杜預註：邲在江夏安陸縣東南。邲
子與楚同爵，地分東西。今德安古安陸，故邲國在
郢之東，而其屬隨州、應城、雲夢又在景陵之東。邲
子會隨、蓼六伐楚，而築蒲騷，今應城也。邲隨、蓼六

皆在郢之東而蒲騷在四國之中其西與楚郢鄢
鄰假令郢在景陵則所伐在西乃却走而東築欲
何待耶故景陵有鄢國城是楚滅鄢子後封其臣
闕辛爲鄢大夫稱近邑非鄢子之故國也古鄢鄢
字互通

弦江黃道栢考

按弦國在弋陽軼縣今光州仙居北江國在汝南
安陽縣今信陽之東南新息縣之西文公四年楚
人滅江秦伯爲之降服出次不舉過數大夫諫公

曰同盟滅雖不能救敢不矜乎吾自懼也黃國在
光州定城有黃故城云僖公十二年黃人恃諸侯
之睦於齊也不共楚職曰自郢及我九百里焉能
害我夏楚滅黃道國在汝南陽皮縣南道毫是也
今確山有故道城栢國在汝陽西平縣栢亭今蔡
州西平縣爵姓俱未詳又按一統志楚紀俱指黃
國卽今黃州者其說皆本杜佑通典謂黃州爲黃
國之境也其地當在光山麻城間距荊州適九百
里今黃州府治乃古邾城楚宣王滅邾徙封于此

今府治西北百二十里有新州城是也

子文廟考

廟在雲夢縣北十里於菟鄉後遷縣東北文獻通考曰宋哲宗元祐八年賜安州雲夢縣楚令尹子文祠爲忠應廟封崇德侯

虞丘子

虞丘子名伯爲楚令尹薦孫叔敖於莊王曰臣聞奉
公行法可以得榮能淺行薄無望上位不名仁智無
求顯榮才之所不著無當其處臣爲令尹十年寒國
不加治獄訟不息處士不升淫禍不討久踐高位妨
羣賢路戶祿素繁貪欲無厭臣之罪當稽于理臣竊
選國俊下里之士曰孫叔敖秀羣多能其性無欲君
舉而授之政則國可使治而士民可使附莊王曰子
輔寡人寡人得以長于中國令行于絕域遂霸諸侯

非子如何虞丘子曰久固祿位者貪也不進賢達能者誣也不讓以位者不廉也不能三者不忠也爲人臣不忠君王又何以爲忠臣願固辭莊王從之賜虞丘子采地三百號曰國老以孫叔敖爲令尹少焉虞丘子家干法孫叔敖執而戮之虞丘子喜入見於王曰臣言孫叔敖果可使持國政奉國法而不黨施刑戮而不骹可謂公平莊王曰夫子之賜也已

呂氏春秋曰孫叔敖沈尹筮相與友叔敖游于郢三年聲聞不知修行不聞沈尹筮謂孫叔敖曰說

義以聽方術信行能令人至。上至于王，下至於霸。我不若子也。耦世接俗，說義調均，以適至心。子不如我也。子何以不歸耕乎？吾將爲子游。沈尹筮游于郢五年，荆王欲以爲令尹。沈尹筮辭曰：期思之鄙人有孫叔敖者，聖人也。王必用之，臣不若也。荆王於是使人以王輿迎叔敖，以爲令尹。聖楷曰：左傳楚莊王九年，誅令尹闢椒。至十六年，使令尹爲艾獵，城沂，爲艾獵，卽孫叔敖也。其中五年，不知令尹何人，卽使虞丘子爲之，亦不得云爲。

令尹十年也。且此五年內止滅舒、蓼、伐陳、伐鄭而
已。十七年與晉戰，邲始霸。諸侯皆孫叔敖爲令尹。
時事今虞丘子姓氏既無所改。呂氏生于七國間，
見當有據，不稱虞丘子而稱沈尹筮。或虞丘是沈
尹筮之封邑，而人遂以名之。耶？水經注：淮水自白
公城南至期思縣北，中有虞丘郭，地名似亦一證。
佐也。姑存之，以俟傳譏。沈尹筮，呂氏書凡數見，
或作蒸，作巫，當是傳寫之訛。

孫叔敖

孫叔敖亦曰薊音艾獵爲賈子也。莊王九年，薊見孫叔敖于王，旣而隱于民間，不仕十六年。令尹虞丘子薦于王，使爲令尹。是年，楚左尹子重侵宋，王待諸郢。孫叔敖城沂，使封人慮事以授司徒，量功命日，分財用，平板幹，稱畚築，程土物，議遠邇，畧基趾，具饌糧，廩有司事三旬而成，不愆于素。孫叔敖相楚，期年而楚國大治。莊王以霸，孫叔敖始爲相也。賀客畢至，有老父衣鹿裘，冠白冠，最後來，且吊。孫叔敖曰：「王不以

臣爲不肯使相楚國。國人皆賀。而子獨吊。豈有說乎？
老父曰：「然。身已貴而驕，人者民去之位。已高而擅權，
者君惡之。祿已厚而不足者，患隨之。是以來吊也。」孫
叔敖再拜曰：「敬受命。」願聞餘教。父曰：「身已貴而意益
下，位已高而心益恭，祿已厚而不敢取，君謹守此，足
理楚國矣。」故孫叔敖之爲令尹，妻不衣帛，馬不食粟，
常乘棧車，牝馬披殺羊之裘。從者曰：「車新則肥，則疾，
狐裘則溫，何不爲也？」孫叔敖曰：「聞君子服美，
益恭；小人服美，益倨。吾無德以堪之矣。」孫叔敖疾，將

苑戒其子曰王亟封我矣吾不受也我死王必封汝汝必無受利地楚越間有寢丘者其地不利其名甚惡楚人鬼而越人機可長有者惟此孫叔敖死王果以善地封其子其子不受請寢丘焉王與之四百邑其後祀十世不絕云

荀子曰綰丘之封人見楚相孫叔敖曰吾聞也也處官久者士妬之祿厚者民怨之位尊者君恨之今相國有此三者而不得罪楚之士民何也孫叔敖曰吾三相楚而心愈卑每益祿而施愈博位滋

尊而禮愈恭。是以不得罪於楚之土民也。

莊子曰。肩吾問於孫叔敖曰。子三爲令尹而不榮。舉三去之。而無憂色。吾始也疑子。今視子之鼻間。栩栩然。子之用心獨奈何。孫叔敖曰。吾何以過人哉。吾以其來不可却也。其去不可止也。吾以爲得失之非我也。而無憂色而已矣。我何以過人哉。買子新書曰。孫叔敖之爲嬰兒也。出遊而還。憂而不食。母問其故。泣而對曰。今日吾見兩頭蛇。恐去死無日矣。母曰。今蛇安在。曰。吾聞見兩頭蛇者死。

吾恐他人又見之已殺而埋之也。母曰：無憂，汝不死矣。吾聞之有陰德者，天必報之以福。人聞之皆諭其能仁也。及爲令尹，未治而國人信之。

循吏傳曰：孫叔敖者，楚之處士也。虞丘相進之於楚莊王，以自代也。三月爲楚相，施教導民，上下和合，世俗盛美，政緩禁止，吏無姦邪，盜賊不起。秋冬則勸民山採，春夏以水，各得其所，便民皆樂其生。莊王以爲幣輕，更以小爲大，百姓不便，皆去其業。市令言之，相曰：市亂，民莫安其處，次行不定。相曰：

如此幾何頃乎市令曰三月頃相曰罷吾今令之
復矣後五日朝相言之王曰前日更幣以爲輕今
市令來言曰市亂民莫安其處次行之不定臣請
遂令復如故王許之下令三日而市復如故楚民
俗好庫車王以爲庫車不便馬欲下令使高之相
曰令數下民不知所從不可王必欲高車臣請教
閭里使高其棚乘車者皆君子君子不能數下車
王許之居半歲民悉自高其車此不教而民從其
化近者視而效之遠者四面望而法之故三得相

而不喜知其材自得之也。三去相而不悔。知非已之罪也。

桓譚傳曰。管楚莊王問孫叔敖曰。寡人未得所以爲國是也。孫叔敖對曰。國之有是。衆所惡也。恐王不能定也。王曰。不定獨在君。亦在臣乎。對曰。君驕。士曰。士非我。無從富。士驕。君曰。君非士。無從安。存人君。或至失國。而不悟。士或至饑寒。而不進。君臣不合。國是無從定矣。莊王曰。善。願相國與諸大夫共定國是也。

聖楷曰孫叔敖與鬬子文三爲令尹事俱無確據。然子文相成王二十八年始傳位子玉以暗弱之主高值楚多難其三仕三已容或有之若孫叔敖相莊王自莊十六年至莊二十三年莊王卒其中僅八年耳高叔敖又卒於莊王之前爲時無幾且莊王賢君方霸諸夏叔敖決無罷相之理以荀卿諸人所引多見道語姑存之。

寢丘考

韓非子曰楚莊王旣勝晉于河雍歸而賞孫叔敖。

叔敖請漢間之地沙石之處楚國之法祿臣再世
收唯叔敖獨存九世而祀不絕按水經注潁水東
逕固始縣故城北縣故寢也寢丘在南故藉丘名
縣矣孫叔敖以土浸薄取而爲封故能綿嗣城北
猶有叔敖碑建武二年司空李通文慕叔敖受邑
光武嘉之更名固始今廣輿志云寢丘在潁州者
亦以潁在固始之南而叔敖尸祝之鄉也固始屬
今河南汝寧府

芍陂考

按先大人司訓壽春時作芍陂記云安豐塘一名
芍陂在壽州通淝門外六十里以芍亭汨而爲陂
也濶三百餘里六安龍穴橫石諸水皆壑焉引之
度灌田萬餘頃淮南子曰孫叔敖決期思之水而
灌雩婁之野莊王知其可以爲令尹卽此地也又
陳後山談叢曰壽之安豐塘楚相孫叔敖之所築
也至今賴之塘西有廟焉塘上之木花皆西向子
皆東向

公子貞

公子貞字子囊。莊王之庶子也。共王二十三年，代公子壬夫爲令尹。是歲，子囊伐陳，諸侯救之，乃止。二十五年，又圍陳，諸侯復會于鄆以救之。秋，伐鄭，討其侵蔡也。鄭請從，乃止。及鄭平二十七年，秦景公使人來乞師，將以伐晉。共王許之。子囊曰：「不可。當今吾不能與晉爭，晉君類能而使之。舉不失選，官不易方，其卿讓於善，其大夫不失守，其士競於教，其庶人力於農穡，商工皂隸不知遷業，韓厥老矣，知瑩稟焉以爲政。」

范句少於中行偃而上之使佐中軍韓起少於欒黶而欒黶士魴上之使佐上軍魏絳多功以趙武爲賢而爲之佐君明臣忠上讓下競是時也晉不可敵事之而後可君其圖之王曰吾旣許之矣雖不及晉必將出師子囊師於武城以爲秦援二十八年晉以鄭之服楚也謀欲逼鄭故城虎牢而戍之子囊救鄭晉人以諸侯之師還鄭而南至陽陵楚師不退及晉班師子囊乃還子囊乞旅於秦秦右大夫詹帥師從楚師將以伐鄭鄭伯逆之移師伐宋諸侯悉師以伐鄭

鄭人使良霄石彘音如楚將服于晉子囊使執之明

年子囊及秦庶長

官名庶長

無地名庶長伐宋師于楊梁以報

晉之取鄭也三十一年其王疾告大夫曰不穀不德

少主社稷生十年而喪先君未及習師保之教訓而

膺受多福是以不德而亾師于鄆以辱社稷爲大夫

憂其弘多矣若以大夫之靈獲保首領以歿于地唯

是春秋寃宥之事所以從先君于禰廟者請爲霧若

厲大夫擇焉莫對及五命乃許秋王卒子囊謀諡大

夫曰君有命矣子囊曰君命以終若之何毀之赫赫

楚寶

八

卷一

楚○國○高○君○臨○之○撫○有○蠻○夷○奄○征○南○海○以○屬○諸○夏○而○知○其○過○可○不○謂○其○乎○請○蓋○之○共○大○夫○從○之○鄭○良○霄○及○石○奚○猶○在○楚○石○奚○言○于○子○囊○曰○先○王○十○征○五○年○而○歲○習○其○祥○祥○習○則○行○不○習○則○增○修○德○而○改○卜○今○楚○實○不○競○行○人○何○罪○止○鄭○一○卿○以○除○其○偏○使○睦○而○疾○楚○以○固○于○晉○焉○用○之○使○歸○而○廢○其○使○怨○其○君○以○疾○其○大○夫○而○相○牽○引○也○不○猶○愈○乎○子○囊○歸○之○吳○聞○楚○喪○以○侵○楚○康○王○惡○之○使○子○囊○師○于○棠○以○伐○吳○吳○不○出○而○還○子○囊○殺○以○吳○爲○不○能○而○弗○敬○吳○人○自○皐○舟○之○隘○要○而○擊○之○楚○人○

不能相救。吳人敗之。子囊還自伐吳卒。將死。遺言謂
子庚公子必城郢。君子謂子囊忠。君薨。不忘增其名。
將死。不忘衛社稷。

劉向說苑曰。楚人將與吳人戰。楚兵寡而吳兵衆。
楚將軍子囊曰。我擊此國。必敗辱君。虧地。忠臣不
忍爲也。不復于君。黜兵而退。至于國郊。使人復于
君曰。臣請死。君曰。子大夫之遁也。以爲利也。而今
誠利。子大夫毋死。子囊曰。遁者無罪。則後世之爲
君將。皆入不利之名。而效臣遁。若是。則楚國終

爲天下弱矣。臣請死，退而伏劍。君曰：「誠如此，請成。」
子大夫之義，乃爲桐棺三寸，加斧質其上，以徇於
國。按此說，本呂覽高義篇與左氏還卒不同。然
喪師而後遺言城郢，不若全軍伏劍之義，誠高也。
併存之以恥夫近日之欺君而倖死者。

聖楷曰：楚自鄢陵敗績，其君親集矢於目，其令尹
子重復喪組練之師，子囊獨能識太察亂服陳爭
鄭與晉君三駕而不輕一戰，卒與其君以改過之
美，可不謂之賢相乎？相賢則服小國，大相不賢則

喪師辱國。故子囊爲令尹而范宣子知晉必喪陳。
鄭子耳侵蔡而子產知楚必來討。楚詎無才是在
官人者慎擇之耳。

城郢

按郢城在今沔陽縣東北十五里龍陂橋卽楚舊
都。楚文王自丹陽遷此未有城。故子囊將死以此
爲言。及平王時始城之。又縣北有紀南城。荊州記
昭王十年吳通漳水灌紀南入赤湖。進灌郢城遂
破楚是也。又水經注云沔陽舊城關羽所築。羽北

國曹仁呂蒙襲而據之羽曰此城吾所築不可攻也乃引而退江陵城地東南傾故緣以金隄自靈溪始桓溫令陳遵造遵善于方功使人打鼓遠聽之知地勢高下依傍剝築畧無差矣今其地屢經戰爭皆不可考

遠子馮

遠與為子馮孫叔敖之子也。楚康王二年，子馮為司

馬及公子午卒，主使子馮為令尹。子馮訪于申叔豫

申叔時曰：國多寵而王弱，國不可為也。遂以疾

辭。方暑，闕地下冰而牀焉。重繭也。綿衣裘鮮選音食而寢。

康王使醫視之，復曰：瘠則甚矣，而血氣未動，乃使子

南為令尹。既而子南敗，復使子馮為令尹。有寵于遠

子者，八人皆無祿，而多焉。他日朝，與申叔豫言，弗應。

而退，從之入于人中，又從之，遂歸。退朝見之，曰：子三

困我于朝。吾懼不敢不見。吾過子姑。告我何疾我也。
對曰。吾不免。是懼何敢告子。曰。何故。對曰。管觀起有
寵于子南子。南得罪。觀起車裂。何敢不懼。自御而歸。
不能當道。至謂人。人皆曰。吾見申叔夫子。所謂生死
而肉骨也。知我者如夫子。則可。不然。請止。辭。人皆
而後王。安之。十一年。楚子爲舟師。以伐吳。吳怨楚。而
召舒鳩。楚屈人舒鳩。人叛楚。楚子師于荒浦。使沈尹
壽與師。祁犁讓之。舒鳩子敬逆二子。而告無之。且請
受盟。二子復命。王欲伐之。蓬子曰。不可。被告不叛。且

請受盟而又伐之。伐無罪也。姑勉息民以待其卒。卒而不貳。吾又何求。若猶叛我。無辭有庸也。乃還。明年子馮卒。舒鳩人卒叛楚。人滅之。

晁無咎鷄肋集曰。舒鳩實叛楚。楚責之急。僞逆。二子欺言。無之。楚王欲伐其欺。亦可矣。而子馮不可。意曰。君子可欺以其方。難罔以非其道。彼以不叛來請盟。斯受之而已。如是而復叛。楚雖滅之。楚可無罪。易曰。田有禽利。執言無咎。子馮以之。聖相曰。孫叔敖父子相繼爲楚相。其事甚奇。而子

馮託疾辭相事。尤奇學者多不知。乃獨取史記優
孟之言。相與辨駁。如歐陽永叔亦復不免可歎也。
世豈復有讀史者哉。

羣舒考

按舒偃姓子爵國在廬江。舒縣舒鳩亦子爵舒之
別封。廬江南有舒城東夷也。舒庸亦在廬江。巢在
廬江六縣東。舒巢皆楚屬國。又有舒蓼叛服不常。
其後楚皆滅之。

舟師考

此後世水戰之始也。春秋時，惟楚與吳越有舟師。其他無聞。孫子十三篇，亦無水戰行軍篇，乃處水上之軍，如韓信夾濰水而陣之類，非以舟戰也。又按墨子曰：公輸般自魯之楚，爲舟戰之具，謂之鈎。拒此戰舟之始。又太白陰經曰：水戰之具，始于伍。寅製之以船爲車，以榜爲馬。云：又杜氏通典云：水戰之具，其船闊狹長短，隨用大小，勝人多少，皆以米爲率。一人重米二石，其檝、棹、篙、櫓、帆、席、經、索、沉石、調度，與常船不殊。樓船，船上建樓三重，列女

牆戰格櫺幡幟開弩牕矛穴置拋車礮石鐵汁狀如城壘忽遇暴風人力不能制此亦非便于事然爲水軍不可不設以成形勢蒙衝以生牛皮蒙船覆背兩廂開掣棹孔前後左右有弩牕矛穴敵不得近矢石不能敗此不用大船務於疾速乘人之不及非戰之船也闕艦船上設女牆可高三尺牆下開掣棹孔船內五尺又建棚與女牆齊棚上又建女牆重列戰敵上無覆背前後左右櫺牙旗幡幟金鼓此戰船也走舸舷上立女牆置棹

夫多戰卒少皆選勇力精銳者往逐如飛鵬乘人之不及金鼓旗幟列之於上此戰船也游艇無女牆舷上置槳牀左右隨大小長短四尺一牀計會進止迴軍轉陣其疾如風虞候居之非戰船也海鵠頭低尾高前大後小如鵠之狀舷下左右置浮版形如鵠翅翼以助其船雖風濤漲天免有傾側覆背上左右張生牛皮爲城牙旗金鼓如常法汪海之中戰船也

屈建

屈建字子木，楚公族也。其先屈瑕，食采於屈，因以命氏。世爲莫敖。名建之父曰屈到，嗜芰有疾，召其宗老而屬之曰：「祭我必以芰。」及祥，宗老將薦芰，屈建命去之。宗老曰：「夫子屬之。」屈建曰：「不然。」夫子承楚國之政，其法刑在民心，而藏在王府，上之可以比先王，下之可以訓後世。雖微楚國，諸侯莫不譽其祭，與有之曰：「國君有牛享，大夫有羊饋，士有豚犬之奠，庶人有魚炙之薦。」籩豆脯醢，音則上下供之，不羞珍異，不陳庶

侈也

多

夫子不以其私欲干國之典遂不用康王九

年爲莫敖十二年代達子焉爲令尹舒鳩人叛楚子

木伐之及離城吳人救之子木遽以右師先子疆息

桓子捷子駢子孟帥左師以退吳人居其間

居楚兩軍之間

七月子疆曰久將墊隘隘乃禽也不如速戰請以其

私卒誘之簡師陳以待我我克則進奔則亦視之

視形

勢而救

乃可以免不然必爲吳禽從之五人以其私

卒先擊吳師吳師奔登山以望見楚師不繼復逐之

傳諸其軍簡師會之吳師大敗遂圍舒鳩舒鳩潰八

月楚滅舒鳩。楚子以滅舒鳩賞子木。子木辭曰：「向也將伐舒鳩，爲子馮請退師以須其叛。今叛而獲之，爲子之功也，以與焉。」掩子馮十四年。宋左師向戌善於趙文子，文善於令尹子木，欲弭諸侯之兵，以爲名。如晉告趙孟。趙孟謀於諸大夫。韓宣子曰：「兵民之殘也，財用之蠹，小國之大菑也。將或弭之，雖曰不可，必將許之。弗許，楚將許之，以召諸侯，則我失爲盟主矣。」晉人許之。如齊，如秦，亦許之。皆告於小國，爲會於宋。五月甲辰，晉趙武至于宋。丙午，鄭良霄至。六月戊申，

叔孫豹齊慶封陳須無衛石惡至申寅晉荀盈從趙武至丙辰邾悼公至壬戌楚公子黑肱先至戌言於晉丁卯宋向戌如陳從子木成言于楚戊辰滕成公至子木謂向戌請晉楚之從交相見也庚午向戌復於趙孟趙孟曰晉楚齊秦匹也晉之不能於齊猶楚之不能於秦也楚君若能使秦君辱於敝邑寡君敢不固請於齊壬申左師復言於子木子木使驛謁諸王王曰釋齊秦他國請相見也秋七月戊寅左師至是夜也趙孟及子皙盟以齊言庚辰子木至自陳陳

孔與蔡公孫歸生至曹許之大夫皆至以藩爲軍晉
楚各處其偏伯夙謂趙孟曰楚氛甚惡懼難趙孟曰
吾左還入於宋若我何辛巳將盟於宋西門之外楚
人衷甲伯州犂曰合諸侯之師以爲不信無乃不可
乎夫諸侯望信于楚是以來服若不信是棄其所以
服諸侯也固請釋甲子木曰晉楚無信久矣事利而
已苟得志焉焉用有信太宰退告人曰令尹將死矣
不及三年求逞志而棄信志將逞乎志以發言言以
出信信以立志參以定之信亡何以及三趙孟患楚

襄甲以告叔向。叔向曰：「何害也？匹夫一爲不信，猶不可單斃其死。若合諸侯之卿以爲不信，必不捷矣。」食言者不病，非子之患也。晉楚爭先，晉人曰：「晉固爲諸侯盟主，未有先晉者也。」楚人曰：「子言晉楚匹也。若晉常先是，楚弱也；且晉楚狎主諸侯之盟也久矣，豈專在晉？叔向謂趙孟曰：「諸侯歸晉之德，貞非歸其尸盟也。子務德，毋爭先，且諸侯盟小國固必有尸。盟者，楚爲晉細，不亦可乎？」乃先楚人。壬午，宋公兼享晉楚之大夫。趙孟爲客，子木與之言，弗能對。使叔向侍言焉。

子木亦不能對也。乙酉，宋公及諸侯之大夫盟於蒙門之外。子木問於趙孟曰：「范武子之德何如？」對曰：「夫子之家事治，言於晉國，無隱情。其祝史陳信於鬼神，無愧辭。」子木歸，以語王。王曰：「尚矣哉！能歆神人，宜其光輔五君以爲盟主也。」晉荀息遂如楚，蒞盟，諸夏之君始旅見於楚。十五年，楚屈建卒，趙文子喪之如同盟。

劉向說苑曰：楚恭王多寵子，而世子之位不定。屈建曰：「楚必多亂。」夫一兔走於街，萬人追之，一人得

之萬人。不復禘。分未定。則一兔禘。使萬人擾。分已定。則雖貪夫知止。今楚多寵子。而嫡位無主。亂自是生矣。夫世太子。齊國之基也。而百姓之望也。國既無基。文使百姓失望。絕其本矣。本絕。則撓亂猶兔禘也。恭王聞之。立康王爲太子。其後猶有令尹圍公子棄疾之亂也。

蘇軾屈到嗜芰論曰。屈到嗜芰。有疾。召其宗老而屬之曰。祭我必以芰。及祥。宗老將薦芰。屈建命去之。君子曰。不違而道。唐柳宗元非之曰。屈子以禮

之末忍絕其父將死之言。且禮有齋之日。思其所樂。思其所嗜。子木去豈安得爲道甚矣。柳子之陋也。子木楚卿之賢者也。夫豈不知爲人子之道。事死如事生。況於將死。丁寧之言。藥而不用。人情之所忍乎。是必有大不忍於此。胥而奪其情也。夫死生之際。聖人嚴之。薨於路。寢不死於婦人之手。至於結冠纓。啓手足之末。不敢不勉。其於死生之變亦重矣。父子平日之言。可以恩掩義。至於死生至嚴之際。豈容以私害公乎。曾子有疾。稱君子之所

貴乎道者三。孟僖子卒，使其子學禮於仲尼。管仲病，勸桓公去三賢。夫數君子之言，或王社稷，或勤於道德，或訓其子孫，雖所趣不同，然皆篤於大義，不私其躬也。如此，今赫赫楚國，若敖氏之賢，聞於諸侯，身爲正卿，死不在民，而口腹是憂，其爲陋亦甚矣。使子木行之，國人誦之，太史書之，天下後世不知夫子之賢，而唯陋是聞，子木其忍爲此乎？故曰：是必有大不忍者，而奪其情也。然禮之所謂思，其所樂思，其所嗜，此言人子追思之道也。曾皙嗜

羊棗而曾子不忍食。父沒而不能讀父之書。母沒而不能執母之繩。皆人子之情自然也。豈待父歟。之命耶。今薦芟之事。若出於子。則可自其父母。則爲陋耳。豈可以飲食之故而成父莫大之陋乎。曾子寢疾。曾元難於易簣。曾子曰。君子之愛人也以德。細人之愛人也以姑息。若以柶子之言爲然。是曾元爲孝子而童子顧禮之末。易簣於病革之中。爲不仁之甚也。中行偃死。視不可含。范宣子盟而撫之曰。事吳敢不如事王。猶視藥。懷子曰。王苟終。

所不嗣事於齊者有如河。乃嘆嗚呼。范宣子知事。吳爲忠於主而不知報齊以成夫子憂國之美。其爲忠則大矣。古人以愛惡比之。美疾藥石。曰石猶生我。疾之美者。其毒滋多。由是觀之。柳子之愛屈到。是疾之美。子木之違父命。藥石也哉。

聖楷按。胡氏謂宋之盟。合左師。欲弭諸侯之兵。以爲名。而楚屈建請晉楚之從。交相見。自是中國諸侯南向而朝楚。及申之會。大合十有一國之衆。而用齊桓召陵之典。宋左師鄭子產皆獻禮焉。宋

子佐以後至遂辭而不見伐吳滅賴無敢違者自
宋之盟始也或又曰宋之盟中國不出夷狄不入
玉帛之使交乎天下以尊周室子木之功大矣哉
抑子所取于子木者立嫡以定亂近于智去莠以
合道近于孝推舒功于蔦子近于讓迎伍椒于出
亡近于忠爲國上相而脩美若此可謂賢矣况疆
場之事又有利于社稷者哉故其卒也趙孟喪之
如同盟而蘇子亦稱之于千百世之下也

薦芟考

按爾雅諸書皆以菱爲菱而無所別惟武陵記云
四角三角曰菱兩角曰菱其花紫色晝合夜炕隨
月轉移猶葵之隨日也羅願爾雅翼曰古者嘉籩
之實菱芡桌脯菱芡桌脯再言之者兩設之盛禮
乃用焉屈建去菱薦而引祭典云云蓋籩豆脯醢
雖上下所共然以多少爲差則珍異庶侈非大夫
所宜管者季武子聘晉晉侯享之有加籩辭曰寡
君猶不敢請微加而後卒事則非屈到所宜薦明
矣此論亦通

沈諸梁

沈諸梁字子高。沈尹戌之子也。爲葉公。故稱葉公諸梁。初太子建見殺于鄭。其子勝在吳。令尹子西欲召之。子高聞之。見子西曰。聞子召王孫勝。信乎。曰然。子高曰。將焉用之。曰。吾聞之。勝直而剛。欲寘之境。子高曰。不可。其爲人也。展而不信。愛而不仁。詐而不智。毅而不勇。直而不衷。周而不淑。復言而不謀。身展也。愛而不謀。長不仁也。以謀蓋人。詐也。彊忍犯義。毅也。直而不顧。不衷也。周言棄德。取周其德而不以不淑也。是六德。

者皆有其華而不實者也。將焉用之？彼其父爲戮於
楚，其心又猶而不潔。若其猶也，不忘舊怨，而不以潔
懷德，思報怨而已，則其愛也足以得人，其展也足以
復之，其詐也足以謀之，其直也足以帥之，其周也足
以蓋之，其不潔也足以行之，而加之以不仁，奉之以
不義，蔑不克矣。夫造勝之怨者，皆不在矣。若來而無
寵，速其怒也；若其寵之，穀食而無厭，旣而得入而耀
之以大利，不仁以喪之，思舊怨以修其心，苟國有聲
必不居矣。非子職之其誰乎？彼將思行舊怨，而欲大

寵動而得人怨而有術若果用之害可待也。余愛子
與司馬子西之故不敢不言。子西曰：德其忘怨乎？余
善之。夫乃其望子高曰：不然。吾聞之：唯仁者可好也，
可惡也可，高也可，下也可，好之不得，惡之不得，怨高之不
驕，下之不畏，不仁者則不然。人好之則偏，惡之則怨，
高之則驕，下之則懼。驕有欲焉，懼有惡焉。欲惡怨偏，
所以生詐謀也。子將若何？若召而下之，將戚而懼，爲
之上者將怒而怨，詐謀之心無所靖矣。有一不義，猶
敗國家。今壹五六而必欲用之，不亦難乎？吾聞國家

將敗必用。竊人而噬其疾。味其子之謂乎。夫誰無疾。
青○能○者○蚤○除○之○舊○怨○滅○宗○國○之○疾○青○也○爲○之○關○箭○
藩○籬○而○遠○備○閑○之○猶○恐○其○至○也○是○之○爲○日○惕○若○召○而○
近○之○死○無○日○矣○人○有○言○曰○狼○子○豎○心○怨○賊○之○人○其○又○
可○善○乎○若○子○不○我○信○盍○求○若○敖○氏○與○子○于○于○梓○之○族○
而○近○之○安○用○勝○也○其○能○幾○何○晉○齊○驪○馬○繻○以○胡○公○入○
於○具○水○祁○厥○闔○職○戕○盤○公○於○囿○竹○晉○長○魚○矯○殺○三○卻○
於○榭○魯○圍○人○犂○洛音殺子般於次。夫是誰之故也。非唯
舊怨乎。是皆子所聞也。人之求多聞善敗以鑑戒也。

今子聞而棄之猶蒙耳也。吾語子何益。吾知逃而已。
子西笑曰：子之尚勝也，竟召之，使處吳境，爲白公請
伐鄭。子西曰：楚未節也，不然吾不忘也。他日又請許
之，未起師，晉人伐鄭，楚救之，與之盟。勝怒曰：鄭人在
此，卿不遠矣。勝自厲劍，子期之，子平見之，曰：王孫何
自厲也？曰：勝以直聞，不告攻，庸爲直乎？將以殺爾父。
平以告子西。子西曰：勝如卵，余翼而長之。楚國第我
死，令尹司馬非勝而誰？勝聞之曰：令尹之狂也得死
乃非我。子西不悛。惠王十年，吳人伐慎，白公敗之，請

以戰備獻所得吳許之遂作亂秋七月殺子西子期於

朝而劫惠王子西以袂掩面而死曰吾慙葉公也葉

公在蔡方城之外皆曰可以入矣子高曰吾聞之以

險微幸者其求無饜偏重必離聞其殺齊管修賢大楚

夫管仲之後也高後入及北門或遇之曰君胡不甯國人

望君如望慈父母焉盜賊之矢若傷君是絕民望也

若之何不甯乃甯而進又遇一人曰君胡甯國人之

望君如望歲焉日月以幾若見君而是得安也民

知不死其亦夫有奮心猶將旌君以徇諸國而又掩

而○以○絕○民○望○不○亦○甚○乎○乃○免○胄○而○進○邇○箴○尹○固○師○其○
屬○將○與○白○公○子○高○曰○微○二○子○省○楚○不○國○矣○棄○德○從○賊○
其○可○保○乎○乃○從○葉○公○使○與○國○人○以○攻○白○公○白○公○奔○山○
而○縊○其○徒○微○之○生○拘○石○乞○而○問○白○公○之○死○焉○對○曰○余○
知○其○死○而○長○省○使○余○勿○言○曰○不○言○將○烹○乞○曰○此○事○克○
則○爲○卿○不○克○則○烹○固○其○所○也○何○害○乃○烹○石○乞○諸○梁○兼○
二○事○吟駢○國○寧○乃○使○寧○子○面○爲○令○尹○使○寬○子○期○爲○司○
馬○而○老○於○葉○初○吳○之○入○楚○也○子○高○之○母○與○其○弟○后○滅○
見○俘○於○吳○后○滅○不○待○斲○而○歸○子○高○終○身○不○正○視○之○

左氏曰。楚白公之亂。陳人恃其聚而侵楚。楚既寧。將取陳麥。楚子問帥於太師。子穀與葉公子高。子穀曰。右領差車與左史老皆相令尹司馬以伐陳。其可使也。子高曰。率賤民慢之。懼不用命焉。子穀曰。觀丁父。郟俘也。武王以爲軍率。是以克州蓼。服隨。唐大啓羣蠻。彭仲夷。申俘也。文王以爲令尹。實縣申息。朝陳蔡。封畛於汝。唯其任也。何賤之有。子高曰。天命不諂。令尹有憾於陳。天若亾之。其必令尹之子是與。君舍焉。臣懼右領與左史有二俘。

之賤而無其令德也。王卜之武城尹吉使帥師取
陳麥。陳人御之敗。遂圍陳。秋七月己卯。楚公孫朝
帥師滅陳。王與葉公校。卜子良以爲令尹沈尹朱
曰吉。過於其志。葉公曰。王子而相國。過將何爲。他
日改卜。子國而使爲令尹。

淮南子曰。太宰子朱待飯于令尹。子國令尹子國
啜羹而熱。投卮漿而沃之。明日太宰子朱辭官而
歸。其僕曰。楚太宰未易得也。辭官去之何也。子朱
曰。令尹輕行而簡禮。其辱人不難。明年伏郢尹而

答之三百。按子國無所建。豈太宰子朱獨能見
機勇退明哲之士哉。

聖楷曰：葉公子高知白公勝之必亂，楚不難知其
必亂，楚而預防之，爲難。旣入，定其亂，而歸老于葉，
爲尤難。謀國謀身，可謂忠且智矣。又能治民以惠，
舉帥以德，勤躬清問，如恐不及，此非深依聖人之
教，未易企也。若夫母俘于吳，終身抱戚，君父仇讐，
大節凜然，學耆往往不通時務，妄議古人如畫龍
小說，本劉向新序以爲寓言，豈足據哉。

葉令祠考

風俗通義曰謹按春秋左氏傳葉公子高姓淵名
諸梁古者令曰公忠于社稷惠恤萬民方城之外
莫不欣戴白公勝作亂葉公自葉而入與國人攻
白公奔山而縊生烹石乞迎反惠王整肅官司退
而老于葉及其終也葉人追思而立祠功施于民
以勞定國兼茲二事固祀典之所先也俗說以孝
明帝時葉令王喬仙去帝建其處號葉君祠此世
之矯誣豈一事哉聖櫛按葉令祠當漢時已訛爲

王喬祠故應劭極辨飛鳧之祀爲矯誣也其地卽
今南陽葉縣有王喬飛鳧遺跡三里許有喬墓喬
已仙去不應復有焉翬豈所謂天下玉棺土自成
墳者耶

楚寶卷第一